

SYNOPSIS THESAURI LITURGICI
ANTIQUIORA MONUMENTA COMPLECTENTIS
AD SACROS RITOS PERTINENTIA.



VIRIS ERUDITIS,
AC RERUM LITURGICARUM STUDIOIS

EMANUEL DE AZEVEDO SOCIETATIS JESU.

QUAE barbarorum incursiones, civileque tur-
bae Europam omnem superioribus ætatibus
affligerunt, ex inter ceteras ærumnas acer-
bimam hanc bonis artibus, lustruosamque cala-
mitatem attulere; ut intermissis litterarum
studiis, plurima antiqua monumenta intercederent;
multa in angulis bibliothecarum laterent. Itaque de
conquirendis iis, educandisque in lucem cogitavit
viri docti, maxime a XVI. sæculo; sub cujus finem pluri-
ma, & ea quidem præclara collegit vir apprime eruditus
Henricus Canisius, qui laudat idem opus aggressus ante
se Marcum Velleium Duumvirum Augustanum, ejus-
que germanum Antonium Velleium, Georgium Lau-
therium, Jacobum Gretserum. Post Canisium enituit
sine industria Jacobi Sironi, Lucæ Dacherii, Leon-
is Allatii, Joannis Cotelieri, Stephani Baluzii, Joan-
nis Mabillonii, Bernardi Montfauconii, Edmundi Mar-
tere, Ursini Durand, Bernardi Pezii, Jo. Georgii Ec-
cardi, Ludovici Muratorii, Joannis Lamii, aliorumque,
qui titulo *Antiquarum Lætionum, Temi Singularis, Ana-
lectorum, Bibliotheca, Spicilegii, Collectionis, Collectaneor-
um, Anecdotorum, Monumentorum, Fasciculi, Thesauri,
Miscellaneorum, Deliciarum*, aliisque similibus opera an-
tiquorum Scriptorum in unum collegere, & in lucem
eliderunt. Præterea Eduardum Brovum, atque alios
quosdam, qui laudem, quam studio suo diligentique
peraverant, acerbo nimium in Romanam Ecclesiam odio
deturparunt. Hi viri eruditissimi, cum sepositos biblio-
thecarum forulos excuterent, ollum ferme genus litte-
rarum elabi sibi e manibus passi sunt, quod in publicum
non educerent atque evulgarent: illud nimirum vere-
batur, ne quid ab eis dimissum excideret atque omni-
no interiret. Existere autem, qui ex infinita illa re-
rum copia cernunt sibi genus deligendum putaverunt;
atque alii ad historica monumenta, alii ad Patrum, &
Austorum Ecclesiasticorum opera, alii ad scripta con-
quirenda, vel severiorum disciplinarum, vel humanio-
rum litterarum, curam cogitationemque converterunt.

Equidem, ut verum faciat, eos præ ceteris semper
adamavi, qui liturgia sibi monumenta, quæ e tene-
bris vindicarent, depopescerunt: quod maxime præsti-
tere Jacobus Pamelius, Melchior Hittorpius, Joannes
Mabillonius in *itinere Italico*, Edmundus Martene de
antiquis Ecclesie ritibus, atque in *operibus suis Vener-
mem. Card. Thomasis*. Quanti sciendum sit hoc ge-
nus monumentorum, vel hominum nomina declarant,
qui in eo elaborarunt: quos sine nostræ, vel superio-
ris, five antiquioris ætatis doctissimos fuisse, nemo igno-
rat. Quis autem putet viros multiplices rerum, ac facul-
tatum ferme omnium cognitione instructos, cum præcla-
riora esse intelligerent, quibus animum & studium admo-

verent, futilia quedam, atque hominum eruditorum ope-
ra plane indigna, maluisse sectari? Sed neque hoc illi exi-
stimarunt, neque hanc opinionem suscipere, nisi a ratio-
ne desistere plane vellet, potuerunt. Cum enim præ-
stantissimum genus atque utilissimum litterarum studium
sit illud, quod ad servandum Fidei depositum, tuen-
dumque ab inimicorum manibus impenditur; nulla, ut
id præstetur, vel brevior patet, vel faciliior via, quam
quæ traditionem asserendam sibi sumit, atque hanc fuisse
præteritorum omnium sæculorum Fidem demonstrat.
Hanc vero communem, neque unquam interruptam in
terminisamque traditionem liturgia præcipue monumen-
ta declarat. Etenim unus, vel alter antiquus Scrip-
tor, quos in lucem proferas, fuz nimirum opinionis,
vel ad summum ætatis unius plerumque est testis; mo-
numenta vero hujusmodi cum publica essent, publico-
que Fidelium cœtu ac conventu celebrata; cum neque
ad arbitrium unicuique commutare, neque abolere. aut
instaurare liceret, communem ferme plurium ætatum
traditionem confirmant. Quamobrem opera hæc in li-
turgicis libris colligendis posita, non ad Ecclesiasticam
duntaxat eruditionem quandam pertinet; ut aliquid
addat ad discendum cognoscendumque non illicetale;
sed ad veram, solidamque Theologiam; ut nova quæ-
dam tela tuppent ad frangendam Novatorum zuda-
ciam & temeritatem. Quod profecto declaratum est
patrum nostrorum memoria. Nam cum Matthias Flac-
cius Illyricus Centuriatorum Magdeburgensium prin-
ceps magnus pro Lutheranis partibus prædium nadum
se esse putasset, invento liturgico monumento; idque
Argentinæ anno 1577. vulgasset hoc titulo: *Missæ Lati-
na, quæ olim ante Romanam circa 700. Domini annum
in usum fuit, bona fide ex vetusto authenticoque codice de-
scripta*, illud diligentius expenderit viri Catholici, vi-
derunt mirifice cum Romanæ Ecclesiæ Fide consentire.
Itaque ut Homericum illum Heclorem serunt, adbi-
bitis armis Achillis, maximas in Græjorum castris cædes
edidisse; sic isti oblata ab inimicis tela ad eos oppugna-
ndos, atque asserenda Eucharistiæ, Confessionis, & sus-
fragiorum pro mortuis dogmata arripuerunt; in primis
Guillelmus Peyratius in lib. 2. de *hystor. Capella Reg.
Franc. cap. 13*. Rem suscepit opinioni contrariam atque
adversantem rationibus suis experti Hæretici homines
productum ab ipsis monumentum abolere conati sunt:
non licuit tamen, nostrorum diligentia atque industria,
qui sæpius illud ediderunt; ut septies jam vulgatum
sit, quemadmodum Petrus le Brun de *Missæ rit. dissert. 9.*
narrat, a Carolo Cointio in *analibus Francorum*, a
Cardinali Bona de *rebus liturgicis*, ab Edmundo Mar-
tene de *antiquis ritibus*: ut omittam Hugonem Menar-
dum, Petrum ipsum le Brun, ceterosque, qui illud

monumentum explicandum fufceperunt; in primis vero Honorarium a S. Maria, qui antiquitatem ejus præliturgicis omnibus monumentis Latinis afferere longa diffputatione conatus est. Quam ergo in uno monumento & Catholicis & Hæreticis vim inesse, dignitatemque fenserunt, nullius præterea alius hujusmodi monumentis tribuendam arbitrabimur?

Hoc fuit quod mentem mihi iniecit, stimulusque addidit ad conandum aliquid, quæ in sacris aliis monumentis, præsertim Patrum scriptis colligendis tam multum fecerunt; ut in his collectionibus numerandis jultum volumen impenderet Thomas Ittigius. Videbam enim, quamquam ejus essent utilitates quam commemoravi, multa tamen inveniri ad sacros ritus spectantia, quæ vel neminem hæcenus nactus essent qui ea extraheret in lucem, vel ita fuisse educta, ut non eorum ipsorum, sed alterius rei gratia prolata fuisse viderentur. Nam vel extant cum aliis alterius omnino generis immixta; ut Mabillonii illa: qui Mabillonius & universum Italicum iter suum narrare voluit, & multa præterea Austorum Ecclesiasticorum opuscula, quæ ea occasione repererat, adjeceit; vel longis translationibus inserta atque interrupta, quod cernere est in libris Martene de antiquis ritibus; vel monumentis ipsis liturgicis Ecclesiarum usu consecratis adjunguntur liturgicorum Scriptorum libri: quod factum est in Hittorpi collectione. Nobis opportunissimum fore visum est, si monumenta illa, quæ fissent ad Ecclesiarum usum conscripta, & publicam quodammodo auctoritatem, non privati Scriptoris afferrent, f. pueremus, eaque simul ceteris dimissis colligeremus. Hoc ergo facere, Auctoribus viris gravissimis & rerum hujusmodi scientissimis, constituimus; corpusque veluti quoddam efformare, sive ut nos vocamus *Theſaurum liturgicum*. Liturgiei enim nomen in ea ampliori significatione sumimus; quod non ad Missæ sacrificium dumtaxat, sed ad ceteros facros omnes ritus referunt; præferebaturque olim, quemadmodum Bona. Ducangius. aliique adnotarunt. Sed de nomine ipso *Theſauri* erit qui nobis fortasse succentat vel ipsius vocabuli, ut ipse putat, peregrinitate, vel ambitione quadam, quod gloriosius sit, quam ut a nobis usurpandum videatur. Quibus hominibus reponimus primum vocis ipsius usum apud antiquos probatoque Auctores, apud quos sæpe nihil aliud quam congeriem quandam rerum collectionemque sonant, vel malaram etiam; non apud Plautum solum, sed etiam apud Athanasium in *epistola ad Animum*. Deinde aliorum ante nos hoc eodem sensu usurpationem, clariorum hominum atque doctorum; qui vocum collectionem ab ipsis copiam vel Græcarum vel Latinarum *Theſaurum* appellaverunt. Admissum virum certe non obscuri nominis Edmundo Martene, qui collectionem illam suam anecdotorum *Theſaurum* inscripsit, aliosque simili nomine in pari argumento veritatis. Quod si amplum quid ac magnificum referre Operis inscriptio videatur, detur hoc argumenti ipsius dignitati, quo nihil diximus esse præstantius; vel si hoc etiam adungere mavis, sanctius. *Theſauri* nomen de eo præcipue usurpatum, quod sacras res contineret, testis est Hesychius in Græci vocabuli *Orthographia* explicatione; & Joannes Meursius, qui lib. 3. de *Athen. Attic. cap. 7.* locum ita appellatum Athenis fuisse docet sacre pecuniæ, & Deorum simulacris servandis destinatum. Quid autem sanctius liturgicis libris, quos proximum post canonicas Scripturas locum obtinuisse vir ænimæ eruditionis Card. Bona ad-

notavit, quos una cum ipsis Bibliorum libris in Ecclesiæ Secretario sive Diaconico ut Græci vocant asservatos ex Paulino *epist. 32.* constat? Quamobrem si *Theſauri* nomine sacra Scripturæ & canonici ipsi libri præcipue nuncupantur; quod egregie tradit pluribus in locis, ut *homil. 3. & 60. in Genesim* Chrysostomus; euc hujusmodi nomen vel liturgicis libris, vel collectioni quæ eos continet denegemus? Quin etiam eam ipsam esse eorum apud veteres usurpatam nuncupationem puto, atque illos libros theſauri Ecclesiastici olim contentos. Nam *Theſaurarii* vocis illa dignitas ad horum quoque librorum custodiam spectabat; quod inter cetera significat leges Alphonsi IX. Castellæ Regis *par. 1. tit. 6. lib. 6.* ubi *Theſaurarii* nomen ipsum explicatur his verbis *Tesoro tanto quod dezir como guardador de Tesoro, ca a su oficio conviene de guardar las cruces, e los calices, e los vestimentas, e los libros.* Valeat igitur argumenti præstantia vel Majorum loquendi usus, ut hanc a nobis ambitionis criminalionem depellamus. Sed fatendum tandem est quod celatos alios velle prudentiaris forte hominis fuisse, non tamen ejus qui præ ceteris ingenius audire malit & sit; fatendum inquam, hoc etiam placuisse *Theſauri* nomen, illudque indere huic collectioni nostræ maluisse; quod non exiguas in ea opes conclusionem iri confidimus, atque ejus quidem generis ad quod theſauri nomen potissimum pertinere Joachimus Camerarius de *re nummar.* consendit; scilicet *magis reconditis & absconditis*.

Liceat nimirum, fortasse homini sibi blandienti, vel qui amicorum amoris fidem habuit, gloriari; tam multa harum rerum vidisse, tot rituum sacrorum monumenta legere, tractare, excutere potuisse, ut quæcumque alii collegerunt, si cum his nostris quæ edere paratus, comparent, vel numero paucissima, nec multum antiquitate (ut modeste dicam) aut dignitate superiora ab æquis rerum æstimatioribus judicanda sint. Atque hæcenus quidem codices vel ineditos, vel ex autographis emendatos ad quinquaginta numeramus. Fuit hoc non tantum diligentæ nostræ (quamquam hujus quoque partes non omnibus) quam loci ubi degimus, & virorum quibuscumque vivimus conditionis. Etenim cum Romæ sim, ubi SS. D. N. BENEDICTI XIV pro summo, quo optimus idemque sapientissimus Princeps in litteras literarumque fautores studio fertur, privasam bibliothecam adire licet, quæ est hujusmodi monumentis locupletissima; aditum insuper in celeberris Urbis bibliothecis, præsertim vero Vaticanæ, illustratissimum illud nobilissimumque penu, nactus sumus; eam Eminentissimis Dominicis Passionis, qui & præclarissimæ fide ipse litteris & bibliothecam suam monumentis exquisitissimis illustravit, quæcumque voluit, ad legendum atque excutiendum suppeditaverit; nil sane mirum his me præsidis aliorum gazas opesque viciisse. Accessere subsidia ab his quibuscumque vivo, nimirum Societatis nostræ hominibus, quorum nonnulli utilem sane mihi operam navarunt. Nec vero parum est quod debeam externis hominibus; quos quidem enumerare omnes, qui mihi ad hoc opus auxilium aut attulerunt, aut allaturos se receperunt, infinitum esset, & eorum quidem merita in ipso Opere libens commemorabo: hic præterire nullo modo possum Cl. Josephum Blanchinum Congregationis Oratorii Presbyterum, qui omnia quæcumque plures annos abditus in Romanis bibliothecis collegerat, cum meum ipsi consilium explicasset, est liberalissime

perulissime elargitus : Cl. Antonium Baldani ex SS.D.N. iustis Sacellanis acerrimi virum iudicii atque exquisitæ eruditionis, qui plurimas animadversiones privato suo usui destinatas non recavit : Illustrissimum Abbatem Fridericum Altanum ex Comitibus Salyani, qui simul ac de cogitatis his nostris inaudit, quicquid ad Patriarchicum Ecclesiæ Aquilejensis ritum spectans magno studio solertique diligenter collegerat ; id omne se mihi subministraturum humanissime promisit. Denique cum duo sunt in Lusitania archiva antiquissima, eademque præclarissimis monumentis abundantiæ, Alcobatienis Ordinis Cisterciensis, & Conimbricenses monasterii S. Crucis Canonicorum Regularium ; quæ ad sacros ritus faciunt, ferè semper ex his munus susceptum est a carissimis fratribus meis Doctore F. Francisco Joseph Ordinis Cisterciensis, & D. Joanne a S. Maria ex Canonicis Regularibus Reformatis Congregationis S. Crucis Conimbricensis : quos non dubito peramanter atque etiam impigre creditæ eis curæ satisfacturos ; ac quæ præterea totius Lusitanicæ archivi bibliothecisque adduntur, investigaturos ; præsertim posthæc cum ex illis, cum & sacrorum rituum studia acerrime promoverit, & sit in scrutandis Veterum monumentis accuratissimus, studioque Dei gloriæ vehementer incensus ; industriam etiam operamque in suis edendis Sanctissimo Domino Nostro probaverit amplissimamque commendationem accepit. His etiam ne ampla seges ac materia desit, in qua diligentiam suam exercent, non equidem vereor ; Nam id habuit regio illa, ut præteritis ætatis bello occupati homines, vel subulteriorum rerum investigatione, de antiquis monumentis proferendis in lucem nihil, aut parum omnino cogitarent. Quæ tamen cura nostrâ hac ætate accessit liberalitate ac providentiæ Illustrissimi Regis Joannis V., qui nobilissimam eruditionis partem historiam pæne ab interitu vindicavit Academiâ constitutâ, adscitisque in eum cœtum viris nobilitate ac doctrina præstantissimis.

His tot tantisque monumentis, quæ partim hominum humanissimorum doctissimorumque munere adipiscimur, partim nostra ipsi opera collegimus, addemus industriæ ac diligentie nostræ partes in illis recoferendis exhibendisquæ exacte ad exemplorum fidem ; opportunis etiam sed brevissimis animadversionibus illustrandis : in quibus pro rerum multitudine & varietate atque etiam obscuritate profecto vereremur, ut dignum aliquod eruditioribus viris atque in huiusmodi rebus exercitatisimum proferamus. Verum si paucæ quædam de multis offeramus, si vix vulgaria obtudamus, confiamus nihilominus Theaurum nostrum pretium suum. Meniisse enim volo viros doctissimos Magorum illorum thesauros nominari arcu- las, siue ut Epiphanius appellat *urpas* ; admovent vero Ildorus Pelusota lib. 2. epist. 4. episcopus Apostoli illud *Habemus thesaurum in vasis fictilibus* ; nos Divinæ sapientie opes in sacrosanctis Scripturis tamquam in thesauris habere videmus & *in doctis verbis atque exemplis conclusas*. Si ergo illis oihil ob eam rem interit pretii ; neque monumentis his ex quibuscumque vulgaribus aut etiam indoctis animadversionibus interiturum speramus.

Restat ut de ordine dicamus, quem in his monumentis producendis servare decrevimus : is vero est, quem commodissimum iudicavimus ad nostrorum temporum ritus caerimoniasque cognoscendas. Etenim maximus hic quoque est fructus, quem ex veterum caerimoniarum tra-

ditione percipere possumus ; ut siue nostrarum quibus nunc utimur antiquitatem cognoscamus ; siue mutationes, quæ in disciplina non infrequenter occurrunt, earumque tempus teneamus. Habet primum illud plurimum Christiano homini delectationis, in caerimoniis his nostris sacræque functionibus imaginem quandam videre antiquissimæ Ecclesiæ : valet etiam ad Heterodoxorum convicia criminatiorumque retundendas, qui novitatem assidue nobis exprobare non desinunt ; quod præcipue fecere Magdeburgenses, atque Holpinianus, Bagnagus, ceterique, & nuper Conyers Middleton in quodam libello suo objecit : plurimas vero sacrarum caerimoniarum antiquissimas esse, contra eosdem olim Baronius in primis & Gretserus, postea Bona, Mabillonius, Bossuetius, Thomassinus, Martene demonstrarunt. Et vero illi injuria recentioris memorie institutiones, mutationesque, quæ disciplinæ sunt, calumniantur : Quædammodum enim ; ut inter ceteros bene Thomassinus docuit inique faceret, qui in communi vita eundem semper animum, non pro temporum varietate varium, requireret, aut qui antiquissimis ætatibus usitatum revocare contenderet ; sic qui in huiusmodi rebus, quas prudentia postulat ut hominum moribus accommodentur, antiquitatem semper exigunt atque inculant. Verum cum legitimam demonstramus fuisse computationis illius causam, cum temporum varietate ac vicissitudine necessariam inductam ; tunc enim vero necesse est vel hominum furiosorum criminatiorum conticecant. Hoc ergo ut facere commodius possumus, placuit eum ordinem in veteribus libris digerendis sequi, qui eos cum nostris veluti comparat ac componit ; quos quidem eise numero quinque nemo ignorat *Missale, Breviarium, Pontificale, Cæremoniale, Rituale*.

Itaque primam operæ partem facimus eam, quæ ad *Missæ Sacrificium* pertinet. Hanc uberrimam omnino lectissimamque segetem attigit olim Jacobus Pamelius in collectione illa sua, quam an. 1771. edidit, inscriptis *Missale Latinorum PP.* Nos hic antiquæ Sacramentaria siue libros Sacramentorum, siue Missales libros collocamus ; primumque facinus Leonianum. Maximi huius preii monumentum eise, quod vir Clarissimus mihi quæ amicissimus Joseph Blanchinus primus in lucem protulit in *prolegomenis tom. 4. Anastasi Bibliobecarii*, nemo qui illud legerit inficiari potest. Hoc luculenta disertatio e illustrare aggressus est vir doctus, quam ibidem representabimus. Subdemus huic Gelasianum Sacramentarium, utpote, Mabillonio teste, antiquissimum ; tum Gregorianum cum Cl. V. Antonii Muratorii Collectione, necnon cum aliis decem MSS. Cod. collatum ; denique Missam Illyrici, quam diximus perhiberi antiquissimam.

II. Tomus. Hic singulares veteres libros, quorum usus erat in Missæ Sacrificio conjiciemus *Lectionaria, Antiphonaria* &c. ; representabimus Comitum siue Lectionarium S. Hieronymo tributum, Antiphonarium S. Gregorii, atque alia, quæ Jacobus Pamelius edidit, vel apud Martene ceteroque leguntur ; nos vero ad vetustos Cod. MSS. emendavimus ac supplevimus.

III. Tomus *Liturgiæ præcipue a Romana diversæ* : ac primum Ambrosiana ; io qua exhibenda, ut viri sacrorum ritum studiosi fuisse auros speremus, facit Eminentiissimi Cardinalis Puteobonelli religiosissimi ac sapientissimi Principis humanitas ac beneficentia, cui multum ob eam rem nos obstricti iri proferimus. Adde-

Addemus huic Aquilejensem; deinde Hispanam, Gothicam, Iudorianam, Mozarabicam, aliasque attingemus. Ipsum vero Missale Mozarabum, ut multorum votis obsecundemus, quod rarissimum est, & Liturgiam antiquissimam coarctet, dabimus integrum. Quam occasionem nacti, Hispanorum hominum pietatem, doctissimam, studiumque divini cultus offendemus. Liturgiam Mozarabicam Psalmodiam & Breviarium adjuungimus quale editum olim est a Cardinali Ximenes: indicabimus tamen in libri margine orationes, quæ S. Ildori ætatem vel proxime attingunt, vel sunt fortasse antiquiores. Curam etiam diligentiamque nostram proficetur in erratis emendandis, non typographi quidem vitio, sed exemplorum Ximenzianæ editionis; ad quod præstandum maximum nobis subsidium posuimus est in Veronensi Oratorio Gothico-Hispano a Cl. Blaichino edito tom. 1. in *fin. part. 1. in comment. ad oper. Ven. Card. Thomasi*. Accedent etiam ea, quæ nobis viros eruditissimos ex Hispania allaturos speramus. Quicquid vero in hanc rem præstabitur a nobis, quod eruditis viris peniteodum non videatur, aut quicquid commodi alii haurient, volo omnes debere Esmo Card. Silvio Valentii Gonzaga magno litterarum præsidio ac beneficentissimo litteratorum hominum Mæcenati, qui cum selectissimis libris bibliothecam suam referlerit; cum suscepta opera quælibet in publicam utilitatem omni ope juvet, oobis quoque in hac parte atque in ceteris multum liberalitate atque humanitate illa sua singulari contulit.

IV. Tomus *Antiquus Cursus*: complectetur vero omnia, quæ ad Ecclesiasticam psalmodiam spectant; Ambrosianam etiam, Aquilejensem, Gallicanam, &c.

V. Tomus *Ordines Romani*. Hanc primam partem Romani Cæremonialis vulgavit Mabillonius, quam nos multo ampliorem faciemus ope codicum antiquissimorum, novalesque observationes jam editis a viro doctissimo addemus; quæ vero homines ceteroquin docti, & sacrorum rituum scientissimi vel locorum distantia, vel penuria codicum optime notæ in illis edendis peccarunt, corrigemus; ineditos aliquot Ordines Romanos eisdemque antiquos vulgabimus.

VI. Tomus *Rituum Ecclesiasticorum Libri*. Hoc titulo editum fuit celeberrimum opus a Christophoro Marcello. quem ideo Paris de Crassis insinulavit quasi alterius opus sibi alcripsisset, & mysteria cærimoniarum Pontificii sacelli evulgasset. Alterum hoc criminationis caput oihil obruit, cum sæpius liber ille eruditæ omnibus viris plaudentibus fuerit divulgatus. Nos hoc præterea curabimus, ut idem liber ad Augustini Patricii, qui verus illius auctor esse putatur, autographum restitutum notatis locis a Marcello interpolatis, quos Paris etiam de Crassis notavit. Librum vero sacrarum cæremoniarum a Paride eodem conscriptum, aliasque opera ferme hæstus inedita ejusdem auctoris publici juris faciemus, augebimusque opportunis animadversionibus, necnon insigni appendice.

VII. Tomus *Liber Diurnus Romani Pontificis*. Hunc Hollstenius edere ceperat, vulgavit vero noster Garnierus. Nunc vero ad fidem antiquissimi codicis Ven. monasterii S. Crucis in Jerusalem de Urbe diligenter exactum repræsentabimus, atque insignibus monumentis locupletatum.

VIII. Tomus *Pontificale Romanum*. Habebit hic liber anecdotorum monumentorum insignem appendicem adjundam, & quæcumque ad hoc argumentum spectare possunt.

IX. Tomus *Rituale Romanum*. Hoc quoque anecdotorum appendice non exigua, nec vulgari auctum dabimus. Omittemus *Cæremoniale Episcoporum*, quod recentius opus fit; quæ vero ad rem nostram faciunt, atque illis erant in usu, *Pontificali libro* continentur.

X. Tomus *Libri Penitentiales*. Erat hæc pars quædam antiqui *Ritualis*. Illos vero ad manuscriptorum codicum fidem nunc primum in lucem editos, vel secunda curis ad eosdem codices diligenter exactos evulgabimus.

XI. Tomus *Ritus in Sacramentorum administratione olim adhibitos* complectetur. Plurimos horum libellos sive Ordines operi suo de antiquis ritibus inseruit Edmundus Martene. Nos eorum præcipuos iterum edemus summa fide ad manuscriptos codices exactos, quibus accedent novi nondum vulgati.

XII. Tomus continet *Ritus ad sacras Benedictiones & Ecclesiasticam disciplinam spectantes*. Horum etiam multos vir diligentissimus, ac de Ecclesiastica antiquitate optime meritus Martene in lucem produxit. Nos illos ita locupletabimus, ut novum opus videri possint.

Ita Thesaurus hic Rituum noster sive Collectio universa erit in duodecim tomos distributa; partes vero five volumina multo plura complectetur. Nihil præter vetera monumenta inferemus; quæcumque tamen ad ea ioterius cognoscenda, & sive ad antiquitatem, sive ad usum probe tenendum spectabit adicere, alienum ab instituto nostro non arbitramur. Itaque de singulis antiquissimis codicibus, quibus io hoc univervo Opere adornando utemur, differemus, eorumque antiquitatem investigabimus, & characterum specimen profertemus; ad illustranda obscuriora loca dissertationes, vel ab amicis, vel a nobis elucubratis adiciemus. Præmonemus tamen, hæc, quam præmissimus, divisione nos non ita fidem nostram obligasse studiosis sacrorum rituum, ut si Opere incepto (quod heri facile potest, & procul dubio fiet) nova aliorum monumentorum accedat copia, aut quid forte eveniat, quod aliter lectorum commodo consulere suadeat, licitum ooo arbitremur nobis, ad librorum molem augere, aut propositam tomorum partitionem commutare.

Atque hæc Operis universi, quod edere meditamur, forma quædam est, & institutio. Cum vero consilium hoc nostrum sit, ut rituum Ecclesiasticorum studia augeamus, quantum in nobis situm est; præcipue vero Dei gloriam, Ecclesiæ Catholicæ Romanæ Fidem & dignitatem tueamus; ita sumus animo comparati, ut non solum æquo animo omnium iudicia sumus libentissime excepturi, sed gratiam etiam non vulgarem habitori illis, qui commodius aliquid, & propositio nostro aptius suggerent. Cum per tempus licuerit ampliorem exhibebimus Operis nostri summam, & quasi faciem, adiciemusque dissertationem de libris Ecclesiasticis Latiniorum, quam ab amico nostro, atque horum studiorum socio imperavimus. Interea, quid de toto hoc Opere Viri docti sentiant avide expectamus.

Ex Collegio Romano Kalendis Januarii anno 1748.